

## TEGUND SENDINGAR

FORGANGSPÓSTUR – EMS Innanlands:	Þyngdar- mörk kg	Burðar- gjald krónur <sup>1)</sup>	Þyngdar- mörk kg	Burðar- gjald krónur <sup>1)</sup>
Hámark þyngdar og stærðar (lágmarksst. 90 × 140 mm): þyngd	0,250	2070	10	4300
20 kg mest. Lengd + mesta ummál 3 m.	1	2230	11	4530
Mesta lengd 1,50 m.	2	2460	12	4760
Um burðargj. fyrir forgangspóst til útlanda	3	2690	13	4990
veita pósthúsin	4	2920	14	5220
upplýsingar	5	3150	15	5450
	6	3380	16	5680
	7	3610	17	5910
	8	3840	18	6140
	9	4070	19	6370
			20	6600

Faxkröfubjónusta 350 krónur.

Gjaldskrá þessi er sett samkvæmt 19. gr. póstlaga nr. 33/1986 svo og samkvæmt 11. gr. laga nr. 36 frá 1977 um stjórn og starfrækslu póst- og síamála með áorðnum breytingum samkvæmt 8. gr. laga nr. 34 frá 1987 og gengur í gildi 1. október 1991. Samtímis fellur úr gildi gjaldskrá fyrir póstþjónustu nr. 16 frá 21. janúar 1991.

*Samgönguráðuneytið, 13. september 1991.*

**Haldór Blöndal.**

*Halldór S. Kristjánsson.*

Nr. 420

5. september 1991

## GJALDSKRÁ

### Hitaveitu Reykjahlíðar.

1. gr.

Hitaveita Reykjahlíðar selur hitaorku frá aðveituæð og dreifikerfi veitunnar samkvæmt ákvæðum gjaldskrár þessarar.

2. gr.

Hitaveita Reykjahlíðar lætur hverju húsi, sem er í sambandi við vatnsæðar hennar, í té vatnsmagn er ætla má að nægi til hitunar á húsinu, enda séu ofnar hússins nægilega stórir að dómi eftirlitsmanns hitaveitu.

Hitaveitunni er heimilt að takmarka með hemli vatnsrennsli að húsi eftir því sem þörf krefur og er starfsmönnum hitaveitunnar einum heimilt að breyta stillingu hans.

3. gr.

Fyrir afnot af heita vatninu skal greiða skv. vatnsmæli fyrir hvern rúmmetra vatns miðað við vatnshita í tengibrunni þar sem stofnæð og heimtaug/dreifikerfi mætast, sem hér segir:

- a) Fyrir vatn 80 °C og heitara . . . . . kr. 83,34  
 b) Fyrir vatn 70-79 °C greiðast 80% af gjaldi skv. a lið.  
 c) Fyrir vatn 69 °C og kaldara greiðast 60% af gjaldi skv. a lið.  
 d) Fyrir vatn til sundlauga greiðist 50% af viðkomandi gjaldflokki.

Hitaveitunni er heimilt að færa notendur milli gjaldflokka þar sem einstakar heimtaugar eru það langar að ætla má að um verulega kólnun sé að ræða í þeim.

Þar til vatnsmælir hefur verið settur upp og ef vatnsmælir bilar áætlað hitaveitan vatnsnotkunina með hliðsjón af hitaþörf hússins. Hitaveitan lætur húseigendum í té aukamæla ef þess er óskað.

#### 4. gr.

Fyrir hverja húsveitu (1. mæli) er greitt fast mánaðargjald sem fer eftir stærð mælis sem hér segir:

- a) Fyrir mæli allt að ¾" . . . . . kr. 666,00  
 b) Fyrir mæli ¾"-2" . . . . . kr. 1 333,00  
 c) Fyrir mæli stærri en 2" . . . . . kr. 2 665,00

#### 5. gr.

Hitaveitugjöld skv. 3. og 4. grein verða krafín mánaðarlega, þegar eftir mælaálestur. Þó er heimilt að láta líða lengri tíma en einn mánuð á milli álestra og fækka gjalddögum. Óski notandi þess að lesið sé af mæli hans utan reglubundins álestrartíma hitaveitunnar og honum gerður sérstakur reikningur, skal hann greiða fyrir það gjald . . . . . kr. 614,00

Gjalddagi hitaveitugjalda er við útsendingu reiknings eða tilkynningar um reikningsupphæð. Ber gjaldanda að greiða reikninginn í bönkum, sparisjóðum og öðrum greiðslustöðum þar sem hitaveitan ákveður. Það eru vanskil ef gjöld fyrir orkunotkun eru ekki greidd innan 30 daga frá útsendingardegi reiknings.

#### 6. gr.

Heimæðagjald Hitaveitu Reykjahlíðar skal vera sem hér segir fyrir eina heimæð:

- a) Hús 400-2000 m<sup>3</sup>:  
 Fyrir 400 m<sup>3</sup> . . . . . kr. 124 539,00  
 Fyrir hvern rúmmetra umfram 400 m<sup>3</sup> . . . . . kr. 107,61  
 b) Fyrir hús stærri en 2000 m<sup>3</sup> . . . . . kr. 245 660,00  
 Fyrir hvern rúmmetra umfram 2000 m<sup>3</sup> . . . . . kr. 71,23  
 c) Stofngjald fyrir hvern mæli umfram einn á sama inntaki er . . . . . kr. 16 537,00

Öll gjöld í þessari grein miðast við utanmál húsa.

Lóðarhafar greiða auk heimtaugargjalds kostnað við lagningu heimæðar frá stofnæð hitaveitu að húsvegg fyrir lengd lagnar umfram 50 metra.

Hitaveita Reykjahlíðar hefur rétt til að loka aðrennslis heita vatnsins að húsi eða íbúð notanda sem vanrækir að greiða hitaveitugjöld. Fyrirætlun um lokun ber að tilkynna með 7 daga fyrirvara.

Allan kostnað við lokun aðrennslis og opnun á ný greiðir sá sem í vanskilum er kr. 1 234,00 í hvert skipti.

#### 7. gr.

Nú eru leyfð afnot hitaveitunnar til annars en húshitunar svo sem heypurrkunar eða ræktunar og er þá hitaveitunni heimilt að ákveða gjald fyrir þau afnot sérstaklega í hverju tilviki með hliðsjón af gjaldskrá þessari.

#### 8. gr.

Á öll gjöld samkvæmt gjaldskrá þessari leggjast skattar samkvæmt gildandi reglum á hverjum tíma.

9. gr.

Öll gjöld samkvæmt gjaldskrá þessari má taka lögtaki á kostnað gjaldanda.

10. gr.

Gjaldskrá þessi, sem sett er samkvæmt orkulögum nr. 58, 29. apríl 1967, staðfestist hér með til að öðlast þegar gildi og birtist til eftirbreytni öllum sem hlut eiga að máli. Jafnframt er úr gildi felld eldri gjaldskrá sama efnis nr. 113, 4. mars 1991.

*Iðnaðarráðuneytið, 5. september 1991.*

F. h. r.

**Kristmundur Halldórsson.**

---

*Steinunn Bjarmann.*

Nr. 421

20. ágúst 1991

## REGLUGERÐ

**um breyting á reglugerð nr. 105/1990 um framhaldsskóla  
með áorðinni breytingu skv. reglugerð nr. 23/1991.**

1. gr.

14. gr. orðist svo:

Í ráðgjafarnefndum, sem skipaðar eru skv. 27. gr. laganna til að stuðla að samráði atvinnulífs og menntamálaráðuneytis, skulu sitja fulltrúar tilnefndir af samtökum vinnumarkaðarins þar sem a.m.k. einn skal vera úr samtökum kennara og hinir frá stofnunum sem tengjast viðkomandi sviði skv. nánari ákvörðun menntamálaráðuneytisins.

Menntamálaráðherra ákveður fjölda fulltrúa í ráðgjafarnefndum og skipar formann án tilnefningar.

Ráðgjafarnefndirnar skulu gera tillögur um stefnu, skipulag fræðslu og námsbrautir í viðkomandi starfsgreinum.

Menntamálaráðuneytið setur ráðgjafarnefndum erindisbréf.

2. gr.

Reglugerð þessi er sett skv. lögum nr. 57/1988 um framhaldsskóla sbr. breyting með lögum nr. 72/1989 og öðlast þegar gildi.

*Menntamálaráðuneytið, 20. ágúst 1991.*

**Ólafur G. Einarsson.**

---

*Sólrún Jensdóttir.*